

萊  
公  
遺  
事

撰人不詳

中  
華  
書  
局

16476/0503

歷代小史卷之七十二

萊公遺事

太宗幸魏公年十有六以父陷蕃上書行在辭色激昂舉止無畏上壯之命有司記姓名後二年遂進士及第寢以貴顯惟公推朴忠喜直言苟有可言者無所顧避故當時曰寇其上殿百僚股栗初爲殿中丞三司判官久雨不霽上顧群臣曰朕於刑獄信盡心焉安得積陰之譴邪時左右大臣無對公獨班而言曰某州某局吏侵官錢若干於法爲小過罪不至流而陛下命殺之權易使王涯者叅知政事汚之第也盜陛下錢數萬緡於法爲大愆而上下以汚故務相蒙蔽卒得脫陛下聞之亦不究意如此而曰刑獄盡心則如之何而無積陰之譴上器公之直即日貶涯罷汚政事俄而

兩止自是益以言悟主故范文正公爲詩歌之文多不載時范未  
顯公薦之遷虞部員外郎樞密直學士賞金帛甚厚還至私第聞  
其乳母泣公從而問其故乳母曰公之小也不幸太夫人死家貧  
求一縑作衾襖不可得豈知公今日富貴哉公聞言慟哭遂散其  
金帛終身不蓄財產後雖出入將相所得俸祿唯務施予又外奢  
內儉無聲色之娛寢處一青幃二十年時有破損益命補葺或以  
公孫弘之事靳之笑曰彼詐我誠雖弊何愛且不忍處之久而一  
旦以弊獲棄也靳者愧之故處士魏野賦詩曰有官居鼎鼎無宅  
起樓臺及比使來顧搢紳問譯者曰無宅起樓臺相公安在其清  
望在人如此公在魏時太宗久不豫驛召還問後事公謝曰知子  
莫若父臣愚不敢與也上曰以卿明智不阿順故問卿不應讓公

再拜曰臣觀諸子皇孫無不令美至如壽王得人心深矣上大悅遂定策以壽王爲太子躬行告廟遷六宮皆登御樓以觀時李后聞萬姓皆歌呼曰吾帝之子少年可愛李后不悅歸以告上上即召公責曰百姓但知有太子而不知有朕御誤朕也公曰太子萬世嗣社稷之主也若傳之失其人實爲可憂今天下歌得賢主陛下大幸臣敢以爲賀上始解太子卒以定

章聖即位公守青州上欲見之謂左右曰寇準豈念我否大臣有不悅者進曰臣聞寇準在青州唯聲色是娛何暇念君父耶會遣中使撫巡山東上曰往問寇準安否北還從取朝見表來以慰朕思公再拜泣而謝使者曰良馬善犬皆知有主豈有人臣不思君父耶但以忌者當路不敢乞<sub>歸</sub>陛下若不棄臣朝召夕行也要君之章

實未敢上既而果召還領相印

北戎犯河朔兵寇澶淵有辛吳蜀之議上曰俟賊退而後可圖也上惑之公曰此餒筍之言不足取今虜涉吾境莫敢前却陛下若親征賊膽震裂惡在他圖哉上至澶淵賊猶未退公曰六軍心膽在陛下身上今若登城擒賊必矣上因御樓將吏果懽呼萬弩齊發即時射殺賊將韓統軍者軍聲大振賊知勢促遂乞和上以問公公進畫曰如用臣此策可數百年無事不然四五十年後臣恐戎心又生矣上曰朕不忍生靈受困不如且聽其和四五十年後安知無捍塞之士乎戎遂得和公在軍中詔令多有所不從及平謝日奏曰使臣盡用詔令安得事成之速哉上笑曰卿顧為誰其君臣相得如此公好事樂善不倦推薦种放孫何下謂之徒皆出其

門然嘗謂所親曰丁生誠奇才懼不堪重任公為丞相謂叅政事  
嘗會食都堂羹染公鬚謂起拂之公正色曰身為叅政而親為宰  
相拂拭須和謂慙不勝公持正直而不虞巧佞故卒為所陷章聖  
嘗謂兩府欲擇一人為馬軍指揮使公方退議其事吏有以文籍  
進者公問其故曰例薄也因叱曰朝廷欲用一牙官尚須檢例耶  
安用我輩夫壞國政損王道者正由中書省屑屑檢例爾自今大  
政事慎勿呈例公在中書凡忘身許國類此然三入相皆不得久  
其任議者亦以此惜之章聖不豫謂輔臣曰能翼吾子為帝而使  
朕無後世虞者唯寇準李迪為可託上既大漸易用丁謂而公遂  
南竄云